



## Aningaasanut Nunanullu Allanut Naalakkersuisoq

### **Aningaasaqarnermut Ataatsimiititaliap suliaq nr. 01.31.06/07-00242 pillugu arfininngornermi ulloq 9. juni 2007-imi aalajangiinera pillugu Naalakkersuisunut ilisimatitsineq.**

(Naalakkersuisut ulloq 16. maj 2007-imi ataatsimiinneranni imm. 2a)

#### **Pineqartut**

- a) Savaatillit Peqatigiit Suleqatigiissut (SPS-ip) 2007-imut inuussutissarsiutinut tapersiissutiniit aningaasaliiffiqineqaaqqinnissamik qinnuteqaataa, kiisalu
- b) 2007-imi nerukkaatissanik pisinermi ukiunut qulinut aningaasaliissuteqartoqarnissaanik SPS-ip kissaataanik akuersinissaq

Naalakkersuisut **inassutigaat**,

kontomi pingaarnermi 51.07.45-mi, Nunalerinermik inuussutissarsiummut taarsigassarsianut ernialersugassaannigitsunut taarsersugassaannigitsunullu tunngasumi, aningaasaliissutit 5.250.000 kr.-inik amerlineqassasut, aamma kontomi pingaarnermi 51.07.42-mi, Taarsigassarsianut ernialersugassanut tunngasumi, aningaasaliissutit 3.000.000 kr.-inik amerlineqassasut kontomi pingaarnermi 50.06.50-imi, Aalisarnermi aningaasaliissutitut immikkoortitanut tunngasumi, aningaasaliissutit taakku amerlaqataannik 8.250.000 kr.-inik ikilineqassasut.

### **Aningaasaqarnermut Ataatsimiititaliap oqaaseqaatai**

Suliami matumani aalajangiinissani Aningaasaqarnermut Ataatsimiititaliap ulloq 28. maj 2007-imi ataatsimiinnermini nr. 83-imi kinguartippaa. Aalajangiisoqartinnagu aalajangiinissamat tunngavissaqarluarnissaq siunertaralugu paasissutissanik ilassutaasunik arlalinnik pissarsinissani ataatsimiititaliap taamaalilluni kissaatigisimavaa.

Naalakkersuisut ulloq 8. juni 2007-imi akissut una nassiuppaat:

***"1-imut) Aalisarnermik ineriartortitsinermut sillimmatinut aningaasaliissutit 8,25 mio. kr.-inik ikilineqarnerisigut savaatilinnut taarsigassarsisitsissutissat aningaasalersorneqassasut Naalakkersuisut siunnersuutigigaat qinnuteqaammi takuneqarsinnaavoq. Tassanili aamma takuneqarsinnaalluni taamaaliornikkut ukiup ingerlanerani kingusinnerusukkat aalisarnermut tunngasuni aningaasanik amigaaqalernissaq aarleqqutigineqarsinnaasoq. Paasissutissap taassuma itisiliivigineqarnissaa ataatsimiititaliamit kissaatigineqarpoq. Tassunga ilanngullugu makku paasissutissiissutigineqarnissaat ataatsimiititaliamit kissaatigineqarpoq:***

**a. Aalisarnermik ineriartortitsineranut sillimmatinit tapiiffigineqarnissamik qinnuteqaatit qassit Naalackersuisunit tiguneqarsimappat taakkulu aningaasannorlugit katillugit qanoq amerlatigippat?**

Aallaqqaasiutigalugu nalunaarutigineqassaaq Naalackersuisoqarfiup nammineq aningaasaliissutisiani aningaasat killeqarneri pissutigalugit aalisarnermik ineriartortitsineranut sillimmatinit nunalerineranut aningaasanik atuinissaq inassutigisariaqarsimavaa. Kontumi tassani AI 2007-imut 21,6 mio. kr.-it saniatigut 19,6 mio. kr.-it atorpeqanngillat 2006-imut Aningaasanut Inatsimmit AI 2007-imut nuunneqartunik. Inatsit 15. december 2006-imi atuutilerpoq, aamma konto pineqartoq pillugu 2006-imut Naatsorsuutininut nassuiaatit takukkit.

Aningaasaleeqqinnerit siullermik nammineq killiliussaatinu aningaasalersorneqartarnissaat Naalackersuisut pingaarnertut politikeraat. Piffissami suliap suliarineqarfiani Ingerlatsineranut sillimmatit imaat allamut immikkoortinneqarsimapput imaluunniit Naalackersuisoqarfinni allani atugassatut pilersaarutigineqarlutik.

Aalisarnermik ineriartortitsineranut sillimmatit pillugit inatsit atuutermalli Aalisarnermut, Piniarnermut Nunalerinerumullu Pisortaqaqfimmil (APNP) 2007-imi maajip naanerani qinnuteqaatit 36-t tiguneqarput. Aningaasat qinnutigineqartut 25.200.019,62 kr.-iupput qinnuteqartunullu inatsit naapertorlugu piumasaqaatinik naammassinnittunut tapiissutigineqartut 3.543.913,00 kr.-iullutik.

25,2 mio. kr.-init qinnutigineqartunit taakkunangga qinnuteqaatit aqqaneq marluk qaleralinniarnermut angallammik pisinissamat tunngapput. Qinnuteqaatit aqqanillit saarullinniarnermut angallammik pisinissamat tunngapput, qinnuteqaatit qulingiluat aalisarnermut atortunut/motoorinut tapiissutinik qinnuteqaataallutik, qinnuteqaatit marluk suliassanut nutaaliorfiusunut tapiissutinik qinnuteqaataallutik (saniatigut pisarisuukkanik immikkoortiterummik pisinissaq uugarniarnerlu), qinnuteqaat ataaseq raajarniarnermut angallammik pisinissamat tapiissutinik qinnuteqaataalluni kiisalu qinnuteqaat ataaseq saattuarniummik pisinissamat tapiissutinik qinnuteqaataalluni.

Tapiissutigineqartunit 3,5 mio. kr.-it sinneqartunit 117.000 kr.-it suliassamat nutaaliorfiusumut (saniatigut pisarisuukkanik immikkoortiterut) atorpeqarput sinnerilu saarullinniarnermut atortunik pisinermut angallatinullu aningaasaliissutigineqarlutik. Saarullinniarnermut suliassanut sisamanut tapiissuteqarnissaq neriorsuutigineqarpoq, tamatumani 80 %-imik aningaasalersuinissamat uppersaasoqarnissaa utaqqineqarpoq.

**b. Piffissaq qaninnerusaq ungasinnerusorlu isigalugit nunalerineranut aammalu aalisarnermut inuussutissarsiutit akornanni inuussutissarsiutinut tapersuissarnermut aningaasaliussanik Naalackersuisunut ilaasortaq naalackersuinikkut qanoq pingaarnersiulersaarpa?**

2007-imut Aningaasanut Inatsimmi takuneqarsinnaasutut inuussutissarsiutinut tapiissutinut aningaasassat killilerujussuupput, Naalackersuisulli aningaasaqarnikkut pingaarnertut politikiaata ilaatut pisortanit tapiissutit sapinngisamik ikilisinneqarnissaat kissaatigineqarpoq.

APNP aalisartunit, piniartuni nunalerisuniillu qinnuteqarfigineqartuartaarpoq taamaattumillu qinnuteqaatit nunami isorartoorujussuarmi sumiiffinnit assigiinngitsorpasuarnit suliassatut immikkut qinnuteqaataasarmata tulleriarinissaq ajornakusoortorujussuusarluni.

*Inuussutissarsiutinut tapiissutinik qinnuteqaatit ukiup ataatsip ingerlanerani takkussortut aningaasaliissutissanit amerlanerupput. APNP suliamit suliamut naliliisariaqartarpoq, taakku piumasagaatinik naammassiffiunerinut tunngatillugu, tamatumunngalu peqatigitillugu suliassat imminut akilersinnaaneri aamma naliliiffigisarlugit.*

*Taarsigassarsiarititanit erniaqaratillu akilersugassaanningsunit (konto 50.07.40) aningaasat affaasa missaat umiatsiaararsorluni suliassanut atornerqarput.*

*Aalisarnerup piniarnerullu siuarsarneqarnissaat pillugu peqqussut nutaaq naapertorlugu angallatinik pisinissamut taarsigassarsinissamik/tapiiffigineqarnissamik qinnuteqartoqarsinnaajunnaarpoq. Aalisarnermik ineriartortitsinermut sillimmatit pillugit inatsit aqutitigalugu maanna taamaallaat angallatinissamut tapiiffigitittoqarsinnaavoq. Soorunami angallatinissamut tapiissuteqartoqanninnerani inatsimmi naammassineqartussanik piumasagaateqarpoq. Tapiissuteqarnissamut aporfiusartooq annerpaaq tassaasimavoq qinnuteqartut namminneq 90 %-imik aningaasalersuisussaananerannik piumasagaat.*

*Taamatuttaaq Nunalerinermi aningaasat killilerujussuupput taamaattumillu Naalackersuisoqarfiup nunalerisut qinnuigisimavai qinnuteqaatit APNP-mi suliarineqanninnerini qinnuteqaatit tiguneqartut sorliit salliutinneqarnissaat pillugu oqaaseqaqqullugit. Piumasagaalli tamanna aamma nunalerisunut ajornakusoorsimavoq, tassami qinnuteqaatit saaffiginnissutillu amerlasoorujussuummata aningaasallu killegarlutik.*

*Qaninnerusooq eqqarsaatigalugu: Nunalerinermi utaqqisinneqarsinnaanningsumik ajornartorsiortoqarnera pissutigalugu, qulaanilu allaaserineqartut tunngavigalugit, kiisalu nammineq killiliussaatinik suliassanut nutaanut aningaasalersuinissamik piumasagaateqartoqarnerata Naalackersuisoqarfiup aalisarnermut sanilliullugu nunalerinermi suliassanik salliutitsisariaqarsimanera kinguneraa, taamaattumillu Aalisarnermik ineriartortitsinermut sillimmatit ikilisinneqarnissaat Naalackersuisunit inassutigineqarluni, naak aningaasaliissutinik ikililerineq aalisarnermik inuussutissarsiteqarnermut tuttussaasoq naalackersuisoqarfimmit ilisimaneqaraluartooq.*

*Ungasinnerusooq eqqarsaatigalugu: Nalunaarutigineqareersutut nunalerisut naalackersuisoqarfilla 2007-ip naanninnerani aningaasalersuinissamik pisariaqartitsinermik misissuisussanik suleqatigiissitaliussapput, taamaattumik Naalackersuisut maanna sammineqartumut tassunga aalajangersimasumik oqaaseqarsinnaangillat.*

*Aalisarnermik inuussutissarsiteqarnermi qaleralinniarnep aqqissugaanikkut naleqqussarneqarnissaata salliutinneqarnissaa pisariaqartinneqarpoq. Ukiuni tulluittuni marlussunni saarullinniarnelernissap naatsorsuutigineqarneranut peqatigitillugu aamma aalisarnermi pineqartumi tassani aalisariutit naleqqussarneqartariaqassapput. Saarullinniarnermik aqutsinissamut pilersaarutit pillugit suleqatigiissitat aasap ingerlanerani suliatic naammassissavaat, tamatumalu kingorna aningaasalersuinissamik pisariaqartitsineq piffissami tassani Naalackersuisut ilisimasaqarfiginerulersimassavaat.*

- c. Aningaasaliissutinik nuussineq aalisariutinik nutarteriniarnermut, tassungalu ilanngullugu sinerissamut qanittumi aalisariutit imminut akilersinnaanningsortaannik ikilisaaniarnermut qanoq kinguneqarsinnaava? Tassunga ilanngullugu aalisarnermik ineriartortitsinermut sillimmatit ikilinerarnerat qaleralinniarnermi aalisariutikillisaaniarluni pilersaarutinut allanut qanoq sunniuteqassanersoq paasissutissiissutigineqassasoq kissaatigineqarpoq.*

*Aningaasaliissutiniq nuussineq qaleralinniarnermut saarullinniarnermullu angallatitigut naleqqussaarnermut kinguarsaataanngitsoornaviannigilaq.*

*Aalisarnermik inuussutissarsiuteqarnerup piffissami tulliuttumi ilisimasaqarfiunerulernissaa Aalisarnermillu ineriartortitsinermit sillimmatiniq tapiiffigineqarnissamut piumasaqaatinik ilisimasaqarfiunerulernissaa Naalakkersuisut naatsorsuutigaat, taamaattumillu ukiuni tulliuttuni marlussunni maannamut qinnuteqaatigineqartunit amerlanerusunik qinnuteqartoqarnissaa naatsorsuutigineqarsinnaalluni.*

***d. Sinerissamut qanittumi aalisariutiniq ikilisaqqittoqarnissaa Naalakkersuisut pisariaqarsoraat? – Aammalu aalisariutikillisaanerit ingerlasut sumut killippat?***

*Qulaani taaneqartut saarullinniarnermut ukiuni tulliuttuni naatsorsuutigisat qaleralinniarnermi kiisalu tamanik aalisarnermi aaqqissugaanikkut naleqqussaaniissamik pisariaqartitsinerup saniatigut sineriammut qanittumi aalisariutiniq atorsinnaajunnaarsitsiviusariaqalissapput.*

*Naalakkersuisut isumaqarput sineriammut qanittumi aalisariutit nutaanngilisimasut. Taamaattumik Naalakkersuisut ukiuni tulliuttuni aaqqissugaanikkut naleqqussaaniarput, pineqartut nutarteriffigineqarniassammata. Nunami tunitsiviit pilersorniarlugit sineriammut qanittumi aalisartitsisoqaannassappat aalisarnermut aningaasalersuisoqangaatsiartariaqarpoq.*

*Qaleralinniarnermut tunngatillugu aalisarnermi tassani pisassiissuteqartalernissaa Naalakkersuisut aalajangiuppaat, tamatumalu saniatigut Naalakkersuisut aalajangerput ukiup tullia aallartitsinnagu angallatit killilersorneqalissasut. Naalakkersuisut naatsorsuutigaat qaleralinniarnermut nutarteriffigineqarnera kiisalu atorsinnaajunnaarsitsiffiusarnissaa aalisarnermi tassani pisassiisarneq malittarisassiornerlu naammassineqarpata pitsaanerpaamik naammassineqarsinnaassasoq. Tamatuma ukiup tulliani pinissaa naatsorsuutigineqarpoq.*

*2-mut) 2008-mi aningaasanut inatsit aammalu 2009-mi aningaasanut inatsit aqutugalugit aalisarnermik ineriartortitsinermit sillimmatit aningaasanik qinnuteqaammi matumani pineqartunik aningaasaliiffigeqqinneqarnissaat Naalakkersuisoqarfimmit kissaatigineqartoq Naalakkersuisut isummernissaannut tunngavissiami allassimavoq. Siunertamut tassunga 2008-mi aningaasanut inatsisissatut siunnersuummi kontomut pingaarnermut 50.06.50-imut, Aalisarnermi aningaasaliissutitut immikkoortitanut tunngasumut, aningaasanik Naalakkersuisut immikkoortitsilersaarpat?*

***e. Aningaasaliissutiniq qaffaanerup allatigut, soorlu ingerlatsinermit sillimmatit aqutugalugit, aningaasalersorneqarsinnaaneranut Naalakkersuisut qanoq periarfissaqarsoraat?***

*Qinnuteqaat manna akuerineqassagalarpat aalisarnermik ineriartortitsinermit sillimmatini amigaataasinnaasussat Naalakkersuisut maanna immikkoortissimannigilaat*

*Naalakkersuisoqarfilli Naalakkersuisunut AIS 2008-kkut aamma AIS 2009-kkut "utertitsinissaq" kissaatigaa, aningaasat piffissami taaneqartumi amigaatigiومانagit.*

**3-mut. Nunalerinermik inuussutissarsiutip aningaasaqarneranik tamatumani lu tapiiffigineqarnissamut pisariaqartitsinermik misissueqqissaartussamik Naalakkersuisut suleqatigiissitaliulersaartut Naalakkersuisut isummernissaannut tunngavissiami takuneqarsinnaavoq. Suliaq taanna Naalakkersuisut sumut killippaat aammalu misissuinerup inernerinik suleqatigiissitaq qaqugu saqqummiussissasooq naatsorsuutigineqarpa?**

*Aasaanerani sulinnigiffeqarnissap tungaanut sulisut arlallit taarsaannerat pissutigalugu (nunalerinermut tunngasuni siunnersortit aqutsisuat aamma allaffeqarfimmi nunalerinermut immikkoortortap inissisimaffigisaani allaffiup pisortaa atorfimminnit soraarsimapput) suli suleqatigiissitanik nunalerinermik inuussutissarsiuteqarnermi aningaasaqarnermik tapiissutinillu pisariaqartitsinermik misissueqqissaartussanik pilersitsisoqanngilaq.*

*Nunalerinermi siunnersorti nutaaq juunimi/juulimi atorfinitsinneqassanganneqarpoq kiisalu allaffiup pisortaatus atorfik piaartumik inuttalernerqassalluni. Nunalerinermi siunnersortimik atorfinitsitserernermi aatsaat suliassat aallartinneqarsinnaapput, ilaatigut suleqatigiissitanik pilersitsisoqarluni tamatumalu kingorna piaartumik piffissamut pilersaarusiortoqassaaq. Suleqatigiissitanit angusat 2007/2008-mi ukiut nikinnerisa nalaanni Naalakkersuisunut saqqummiunneqarnialersaarput. Pisorta qarfiulli suliassat aallartinniarlugit juunip qaammataata ingerlanerani nunalerisut aallarniutaasumik ataatsimeeqatiginialersaarpai. "*

### **Aningaasaqarnermut Ataatsimiititaliap aalajangiinera**

Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**. Tamatuma saniatigut aningaasaliissutinik nuussineq aalisarnermi aningaasaliissutinut immikkoortitani aningaasanik amigaateqarnermik kinguneqassagaluarpat sapinngisamik siusinnerpaamik ilisimatinneqarnissani ataatsimiititaliap kissaatigaa.

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua

Nuutinneri: Aalisarnermut Piniarnermullu Ataatsimiititaliap